



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 86. Legati sententia Bononiæ in Patrum Conventu proposita.

[urn:nbn:de:hbz:466:1-66608](#)

Sæcul. XVI malisque inde forte emersuris strenue
A.C. 1547. occurendum esset.

§. LXXXVI.

*Legati sententia Bononiæ in Patrum
conventu proposita.*

*Pall. I. 10. c. 9.
n. 1. § 2.* Postridie, quam Pontificis diploma
Bononiam pervenerat, seu die de-
cima nona Decembris Legatus ad ge-
neralem Conventum Patres convoca-
vit, ac præprimis mandata Cæsaris Ma-
drutio Cardinali tradita prælegi jussit,
postea vero Cardinalium, qui hanc in
rem selecti erant, sententias recitari vo-
luit, quæ a ceteris fuerunt approbatæ,
eo duntaxat fine, ut deliberaretur, an
Synodus Tridentum revocanda esset,
vel an non id fieret: unde circa eandem
quæstionem Pontificis diploma postre-
mo proferri præcepit, ipse vero hæc
subjunxit: *Mearum partium esse arbitror,
ut in rei tam arduæ deliberatione profer-
rem in medium, quæ opportuna censerem.
ut omnes plenius edocerentur. Evidem non
modicam rationem reconciliationis Germaniæ,
ac postulatorum Cæsaris, Ferdinandi
Regis, reliquorumque Germaniæ Ordinum
habendam censeo, ast non minus 1. De Con-
cilii dignitate, ac futurorum exemplo cogi-
tandum est, nam cunctis sive præsentibus,
sive absentibus, exploratum manet, qua ne-
cessitatem*

cessitatis vi, qua sinceritate, libertate, potestate Synodus fuerat translata: adhuc tamen multi Episcopi Tridenti permanent, non sine gravi Concilii despeditu; utpote qui & promulgato coram ipsis Decreto, & litteris, quibus postea communis nomine fuerant accersiti, obtemperare noluerunt: quare ne ad posteros perniciosum hoc exemplum transmittatur, aequius videtur, quod contumaces legitimam Synodus adeant, atque agnoscent, quam quod Synodus eo commigret, ubi contumacium turmæ persistunt. II. Protestantes pollicentur quidem celebrando Tridenti Concilio se submissuros, sed de celebrato nihil loquuntur: idcirco oporteret rem dilucide explicari, planeque stabiliri, ne in novam contentionem revocanda essent praesertim Decreta Doctrinæ; quippe jam a Catholicis ubique recepta, & quæ suapte natura semel legitimate pronuntiata, ac firmata, semper certa sunt ob certum sancti Spiritus assistentis afflatum, adeoque sine fidei injuria non amplius in deliberationem adduci possunt. III. Spondent quidem Protestantes, se Christianæ Synodo consensuros, sed neutquam explicant, quid eo nomine ab ipsis intelligeretur; & videtur, eos assensuros Concilio populari, non autem Concilio vetustissimæ Ecclesiæ consuetudine ex Episcopis conslato. Expromant ergo hi sua promissa disertis verbis, quæ in varias sententias fleti non possunt, ne Synodus non tam
ab

Sæcul. XVI. ab illis acceptata, quam delusa videatur,
 A.C. 1547. IV. Tridenti libertati Concilii tutissime
 consulendum est, sive Patres sigillatim, sive
 universe speditentur, adeoque Patribus nec ibi
 degere, nec inde profici interdicatur. V.
 In mandatis a Madruccio expositis indica-
 tur, Synodum diutius protrahendam; quod
 rationi consentaneum haud videtur: idcirco
 danda est opera, ut constet Patribus, inte-
 grum ipsis fore Synodum claudere, atque
 absolvere, quandocunque id opportunius vi-
 sum erit. Hæc Patres perpendant, habeant-
 que simul præ oculis Deum, Christianorum
 salutem, Concilii dignitatem, & pia Pon-
 tificis vota reconciliandæ Germaniæ, ac Ca-
 fari, quantum fieri posset, gratificandi, pro-
 ferantque ingenue sententias, quas aura S.
 Spiritus ipsis afflabit.

§. LXXXVII.

*Exitus hujus Congregationis circa
 Concilii translationem habitæ.*

Pall. c. 9. n. 3. Interfuere huic conventui præter An-
 tistitem Mirapicensem morbo deten-
 tum quadraginta octo partim Archie-
 piscopi, partim Episcopi, necnon sex
 Religiosorum Ordinum supremi Præsi-
 des, ac duo Galliarum Regis Oratores,
 Petrus Urfeus Regius Cubicularius, ac
 Sylvarum Præfectus, necnon Michael
 Hospitalius Parisiensis Senatus Consi-
 liarius,